



BANTUAN KHAS SARAWAKKU SAYANG (BKSS) 6.0

BANTUAN KEWANGAN KEPADA PEMANDU E-HAILING

SOALAN LAZIM

1. Adakah Bantuan Khas Sarawakku Sayang (BKSS 6.0) ini termasuk bantuan kewangan kepada Pemandu e-Hailing?

Bantuan Khas Sarawakku Sayang (BKSS) 6.0 adalah termasuk bantuan kewangan sebanyak **RM500.00** secara **one-off** kepada pemandu perkhidmatan e-panggilan (pemandu e-hailing).

2. Siapakah yang layak menerima bantuan BKSS 6.0 ini?

Kriteria kelayakan adalah seperti berikut :-

- i. Warganegara Malaysia (Anak Negeri Sarawak);
- ii. Pemandu perlu berdaftar dengan mana-mana E-Hailing Operator (EHO) yang sah;
- iii. Pemandu memiliki Lesen Vokasional (PSV) yang masih dalam tempoh sahlaku dengan Jabatan Pengangkutan Jalan (JPJ);
- iv. Kenderaan yang dipandu telah dilesenkan dengan Permit Kenderaan e-hailing (eVP) di bawah Lembaga Pelesenan Kenderaan Perdagangan (LPKP) Sarawak;
- v. Pemandu dengan pendapatan bulanan sekurang-kurangnya RM700 berdasarkan jumlah kutipan tambang bulan Oktober 2020, November 2020 atau Disember 2020; dan
- vi. Pemandu tidak menerima bantuan untuk pemandu Teksi RM600 di bawah inisiatif sama.

3. Apakah peranan Kementerian Pengangkutan Sarawak (MOTS) dalam proses BKSS 6.0?

- (i) Pihak MOTS bertanggungjawab membuat tapisan status **Anak Negeri Sarawak** / warga Sarawak.
- (ii) Kementerian Pengangkutan, Sarawak (MOTS) bertanggungjawab untuk menyalurkan dana atau peruntukan yang diluluskan oleh Kerajaan Negeri Sarawak kepada SiliconNet Technologies Sdn. Bhd. (SNT) bagi tujuan pembayaran bantuan kewangan kepada Pemandu e-Hailing berdasarkan Senarai Nama Pemandu e-Hailing yang disediakan oleh pihak EHO dan telah disahkan oleh pihak LPKP Sarawak.

4. Saya adalah penerima bantuan BKSS 4.0 pada tahun 2020, adakah saya masih layak untuk kali ini?

Pemandu e-hailing yang menerima bantuan di bawah BKSS 4.0 **Layak menerima bantuan kewangan dibawah BKSS 6.0** sekiranya pemandu e-hailing tersebut memenuhi **Kriteria Kelayakan** yang telah ditetapkan. Semakan kelayakan juga boleh dibuat dengan EHO yang berkenaan.

5. Bagaimanakah cara memohon Bantuan BKSS 6.0 E-Hailing ini?

Pemandu **tidak perlu** membuat sebarang permohonan. EHO menyediakan senarai nama Pemandu yang menepati kriteria kelayakan kepada LPKP Sarawak untuk proses saringan dan pengesahan.

6. Bagaimanakah cara bayaran dibuat?

Pembayaran kepada pemandu e-hailing yang lulus proses saringan dan disahkan oleh pihak LPKP Sarawak akan dibuat oleh SiliconNet Technologies Sdn. Bhd. (SNT) melalui akaun **Sarawak Pay (SP) e-wallet** pemandu masing-masing. Oleh itu, semua pemandu e-hailing dinasihatkan untuk memastikan maklumat peribadi seperti **Nama Penuh, No. Kad Pengenalan, No. Telefon Bimbit** (berdaftar dengan SP) dan **SP Username** adalah sah dan tepat bagi mengelakkan sebarang kesulitan pembayaran.

7. Bilakah pemandu e-hailing akan menerima bantuan ini?

Pembayaran kepada pemandu e-Hailing melalui akaun **Sarawak Pay e-wallet** yang sah dibuat secara berperingkat mulai bulan Julai 2021.

8. Siapakah pihak berkuasa melulus Senarai Nama Pemandu e-Hailing?

Pihak yang terlibat dalam proses Kelulusan Senarai Nama Pemandu e-Hailing adalah seperti berikut:

Pihak Berkuasa Melulus		Peranan dan Tanggungjawab
(i)	E-Hailing Operator (EHO)	<ul style="list-style-type: none"> menyediakan Senarai Nama Pemandu e-Hailing selaras dengan kriteria yang telah ditetapkan.
(ii)	Lembaga Pelesenan Kenderaan Perdagangan (LPKP) Sarawak	<ul style="list-style-type: none"> membuat saringan dan pengesahan dari segi permit dan lesen kenderaan serta lesen memandu; dan pemandu tidak menerima bantuan untuk pemandu Teksi di bawah inisiatif sama

9. Di mana saya boleh menyemak sama ada saya layak untuk mendapatkan bantuan kewangan BKSS 6.0 atau tidak?

Pemandu e-Hailing boleh menyemak status kelayakan masing-masing dengan merujuk kepada Kriteria Kelayakan yang telah ditetapkan atau menghubungi pihak EHO masing-masing.

10. Saya telah menggunakan nombor telefon yang baru untuk e-Hailing saya. Adakah ini boleh menyebabkan saya tidak menerima bantuan kewangan BKSS 6.0 melalui Sarawak Pay?

Pemandu e-hailing dinasihatkan untuk sentiasa mengemaskini butiran peribadi di **Sarawak Pay e-wallet** masing-masing jika berlaku perubahan khususnya nombor telefon bagi mengelak sebarang kesulitan pembayaran.